

Technical and Bibliographic Notes/Notes techniques et bibliographiques


The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- |  |  |
|--|--|
| <input checked="" type="checkbox"/> Coloured covers/<br>Couverture de couleur  | <input type="checkbox"/> Coloured pages/<br>Pages de couleur   |
| <input checked="" type="checkbox"/> Covers damaged/<br>Couverture endommagée   | <input type="checkbox"/> Pages damaged/<br>Pages endommagées   |
| <input type="checkbox"/> Covers restored and/or laminated/<br>Couverture restaurée et/ou pelliculée  | <input type="checkbox"/> Pages restored and/or laminated/<br>Pages restaurées et/ou pelliculées  |
| <input type="checkbox"/> Cover title missing/<br>Le-titre de couverture manqué   | <input checked="" type="checkbox"/> Pages discoloured, stained or foxed/<br>Pages décolorées, tachetées ou piquées   |
| <input type="checkbox"/> Coloured maps/<br>Cartes géographiques en couleur   | <input type="checkbox"/> Pages detached/<br>Pages détachées  |
| <input type="checkbox"/> Coloured ink (i.e. other than blue or black)/<br>Encre de couleur (i.e. autre que bleue ou noire)   | <input checked="" type="checkbox"/> Showthrough/<br>Transparence   |
| <input type="checkbox"/> Coloured plates and/or illustrations/<br>Planches et/ou illustrations en couleur  | <input checked="" type="checkbox"/> Quality of print varies/<br>Qualité inégale de l'impression  |
| <input type="checkbox"/> Bound with other material/<br>Relié avec d'autres documents   | <input type="checkbox"/> Includes supplementary material/<br>Comprend du matériel supplémentaire   |
| <input type="checkbox"/> Tight binding may cause shadows or distortion<br>along interior margin/<br>La reliure serrée peut causer de l'ombre ou de la<br>distorsion le long de la marge intérieure   | <input type="checkbox"/> Only edition available/<br>Seule édition disponible   |
| <input type="checkbox"/> Blank leaves added during restoration may<br>appear within the text. Whenever possible, these<br>have been omitted from filming/<br>Il se peut que certaines pages blanches ajoutées<br>lors d'une restauration apparaissent dans le texte,<br>mais, lorsque cela était possible, ces pages n'ont<br>pas été filmées. | <input type="checkbox"/> Pages wholly or partially obscured by errata<br>slips, tissues, etc., have been refilmed to<br>ensure the best possible image/<br>Les pages totalement ou partiellement<br>obscurcies par un feuillet d'errata, une pelure,<br>etc., ont été filmées à nouveau de façon à<br>obtenir la meilleure image possible. |
| <input type="checkbox"/> Additional comments:/<br>Commentaires supplémentaires:  |  |

This item is filmed at the reduction ratio checked below/  
Ce document est filmé au taux de réduction indiqué ci-dessous.

10X	14X	18X	22X	26X	30X
	✓				
12X	16X	20X	24X	28X	32X



HYMN 1. C.M.

*"All hail the power of Jesus' name."*

**K**E dah ke che twah wan dah min  
Jesus oo de noo z'win;  
Ke dah e nah je mah naun suh  
Ke che oo ge mah wid.

2 Ish pe ming duh zhe an je nug  
Nuh qua uh mah de wug,  
E mah a nah suh muh bid owh  
Jesus wa ge mah wid.

3 Ken' wah ba mah je e goo yag  
Sha wan dah goo ze yag,  
Ke be mah je e goo wah owh  
Ka che oo ge mah wid.

4 Ke nuh wah kah me ne goo yag  
Me noo duh nuh ke win,  
Shuh gush ke tuh wik suh e mah  
'Nduh zhe oo ge mah wid.

5 Ke nuh wah buh yah tah ze yag  
Sha wa ne me goo yag,  
- Moon zhug me qua ne mik Jesus  
Ka che oo ge mah wid.

HYMN 2.

*"Safe in the Arms of Jesus."*

**E** mah o nik aung Jesus,  
O pin duh mo win ing,  
Ween ga nuh wa ne mid suh  
Nin gah pe zaun e shin.  
Mud wa nuh guh moo wug suh  
An ge lug e we de,  
Wah suh uh gah ming see be  
E we de ish pe ming.

E mah-o nik aung Jesus  
O pin duh moo win ing  
Ween ga nuh wa ne mid suh  
Nin gah pe zaun e shin.

2. E mah o nik aung Jesus,  
Nin gah pe zaun e shin,  
Puh yah pah man dun se waun  
Ke sah dan duh moo win.  
Kah nin gah sa ge ze se,  
Kah nin gah muh we se,  
Kah nin gah kush kan dun se,  
Nin gah pe zaun e shin.

3. Jesus ke ge ne bo towh,  
Jesus ke sah ge in!  
E mah ke nik aung mah noo  
Nin gah pe zaun e shin.  
Pee nish goo nuh guh duh maun

Oo oo suh goo nee yowh  
Pee nish goo wah buh me naun  
Ewede ish pe ming.

HYMN 3. . C. M,

*"O God of Bethel, by whose hand,"*

**K**E sha Muh ne doo, keen uh koo  
Moon zhug a shum me yaung,  
Keen kah kuh nuh wa ne mud wah  
Noo se me nah bun eeg.

2. Ke duh nuh me a tah goo suh  
A nah suh muh be yun ;  
Ne Ke sha Muh ne doo me naun  
Ah win Ta ba nin ga.
3. Ke ke noo we ne she naum suh  
E mah ka ne'zbah yaung,  
Mee zhe she naum moon zhug me jim,  
Kuh ya uh gwe' she naum.
4. O duh zhwa ge nin gwe gun in  
De bish koo uh yah yaung,  
Pe nish e goo tuh gwish e naung  
An daud owh Noo se naun.
5. Oo noowh shuh wan je ga win un  
Ke nun doo duh mah goo ;  
Ke guh min je me ne goo dush  
Uh puh na kah ge nig.

HYMN 4. Sevens.

*"Oft in danger, oft in woe."*

**N**A tah ah ne me ze yag,  
Na tah ke te mahg' ze yag,  
**K**eu' wah a nuh me ah yag  
Moon zhug mush kuh wan duh mook.

- 2 Man je nuh wa ze ya goon  
**K**e che moo je ge ze yook;  
She mah gun ish e we yook,  
Wa wa ne mah ke dush weem.
- 3 Me gah zoo yook uh puh na,  
**K**a goo shuh gwan' moo ka goon;  
**K**e guh muh mauzh e ah wah  
Owh ka che me gah ne nag.
- 4 Oh ! ke che ah noo ke yook,  
**K**e we doo kah goo wah mah  
Wa ne zhe shid Muh ne doo,  
Owh ma noo uh shum me nag.
- 5 Ka goo kush kan dun ga goon;  
Kah ween tuh muh we se wug  
'Gewh duh ya bwa yan dun gig  
Ish p'ming ke peen de ga waud.

HYMN 5. C. M.

*"Father of mercies, in thy word."*

SHA wan je ga yun Muh ne doo  
Me gwach kah meezh e yaung  
Maun duh ke min wah je moo win  
Che oon je ne bwah kaung.

- 2 Me e mah pe dwa we dung owh  
Jesus ba mah je' wad;  
Me dush wan je ke kan duh maung  
Me noo e zhe twah win.
- 3 Me-dush wan je ke kan duh ming  
Moo je gan duh moo win,  
Kuh ya a ne' nuh moog me kauns  
Ish pe ming che e zhaung.
- 4 Mah noo nin guh min wah bun daun  
Ke muz ze nuh e gun;  
Ash kum nin guh wah sash kah goon  
Ewh min wah je moo win.
- 5 Oh! ka ke noo uh mah ga yun  
Ke we pash wah buh min;  
Ke de ke doo win ing a tuh  
Ke nun duh wah buh min.

HYMN 6. P. M.

*"Tell me the old, old Story."*

Te bah je mo tuh we shin  
Je sus Sha wan je gad,  
Je sus Ba mah je e wad,  
Ka che Sah ge e wad.  
Ke ke no uh muh we shin  
A be no jee we yaun  
Maj' e zhe wa be ze yaun  
Kuh ya pa je we yaun,  
Te bah je mo tuh we shin  
Je sus Sha wan je gad.

2. Pa kah dush te bah doo dun  
Che da ke kan duh maun  
Kuh ke nuh kah doo doo nung  
Owh Ba mah je e wad.  
Moo z'ug dush te bah doo dun,  
Ka go poo ne too kan,  
Ne ne tah wuh nan dum mah  
Ka ke bah de ze yaun.

3. Nuh a gauj te bah doo dun  
Ah pee tan dah gwud mah,  
Jesus Ba mah je e wad  
O! che—ke ka ne mug.  
Me nuh wah te bah doo dun  
Da—ween duh muh we shin



Kuh ke nuh kah doo doo nung  
Owh Ba mah je e wad.

HYMN 7: C. M.

*"O for a thousand tongues to sing."*

PA gizh nuli wuj ke zhe wa yaun  
Kuh ya bal p' nan duh maun,  
Na nuh guh moo tuh wug in koo  
Nin ke sha Muh ne doom.

2 Nin doo ge maun, wee je e shin  
Che de bah doo duh maun  
Ke ke che twah wan dah gooz' win  
Oo maun ge zhe uh keeng.

3 Je sus wan je sa ge ze seeng  
Wan je kush kan dun zeeng,  
Ke che me noo tah gwud e ne  
Ewh co de noo zoo win.

4 Oo kush ke toon che wa be nung  
Bah tah ze win e shun,  
Pe ne e wa muh gud e ne  
Ewh Je sus oo mis queem.

5 Wah bun dumook be moon dung Christ  
Ke bah tah z'win e waun ;  
Me suh owh kah ne boo tuh waud  
U. keeng a yah ne jin.

HYMN 8. P. M.

*"Here we suffer grief and pain."*

O mah uh keeng uh yah yung  
Ke puh ka' de min uh koo;  
Kah ween ween ish pe ming.  
O tuh min wan dah gwud!  
O tuh min wan dah gwud!  
Uh pe oo je che sag,  
Moon zhug che wah bun de yung!

2 E gewh a nuh me ah jig  
Ke zhid oong tuh e zhah wug,  
Uh pe goo ne boo waud.  
Oh! tuh min wan dah gwud! &c.

3 E gewh ah-be noo je yug  
Suh yah ge ah jig Christ un  
'We de tuh uh yah wug.  
Oh! tuh min wan dah gwud! &c.

4 Ka ke noo uh mah ga jig,  
Kuh ya 'gewh ka ge qua jig,  
Tuh nuh quash kuh wah wug.  
Oh! tuh min wan dah gwud! &c.

5 Tuh ke che min wan dah gwud,  
Uh pe wah buh mung uh owl

Kah be mah je e nung.

Oh! tuh min wan dah gwud! &c.

6. E we de suh puh na

Ke guh moo je ge ze min,

Ke wah buh mung Je sus.

Oh! tuh min wan dah gwud! &c.

HYMN 9. P. M.

*"There is a happy land."*

**M**E noo duh nuh ke win

Uh yah muh gud

Ish pe ming ke zhig oong

Ke che wah suh.

Ke che min wuh uh moog

'Gewh e we de a yah jig,

Tah nuh guh moo tuh wah

Ba mah je' nung.

2 Uh we duh nuh ke dah

Suh e we de.

Wa goo nan suh wan je

Shah gwan' moo yag?

O tuh min wan dah gwud

Ke poone kush kan duh mung.

Ke guh wee je we goo

Keen Je ho vah.

HYMN 10.

*Shall we Gather at the River.*

**K**e gah mah wuh wun jee de min nuh  
Wa de uh guh ming see beeng?  
An duh zhe ah yah waud ang lug,  
**K**e zhe Muh ne doo uh yaud.

A! ke gah mah wun jee de min suh,  
**K**wanau je wung, kwanau je wung see  
See be uh puh na wan je je wung [beeng  
**K**e zha muh ne doo uh yaud.

2. Uh guh ming e wa de see beeng  
**K**e gah wah we zhan duh min,  
**K**e gah shah gush ke tuh wah naun  
Owh Ba mah je e enung. DR. SAHDIR

3. E we de ta goo shin ung see beeng  
Tah ekoo ne gah da noon  
Wan je ke sah dan duh mung in  
**K**e gah moo je gan duh min.

4. Jesus ke gah wah buh mah naun  
Pa sho nah buh wid see beeng  
Min' wah che puh ka de se wung,  
Uh puh na che wec je wung.

HYMN 11.

*"Jesus of Nazareth."*

4

Wa goo nan wanj o quee noo waud  
Ne be wah uh nish e nah bag,—  
Wan je guh noo nin de wah gwan,—  
Wan je uh kuh wah be wah gwan?  
Ke nuh qua tah goo nah nig suh,  
"Benuh owh Jesus pe dah suh moo sa."

2. "Wa nan dush mah bah pah e zhaud,  
Ah nin de kuh ya wan je baud?  
Ah nin de o duh nuh ke win,  
Wa goo nan od uh noo ke win?  
Me nuh wah goo pe pah ge wug,  
"Benuh owh Jesus pe dah suh moo sa."

3. Me sah goo Jesus ish pe ming  
Kah oon je baud Ba mah jee nung,  
Jesus na tah shah wan je gad,  
Jesus kah noo je mo e wad;  
Me no tah ga ka ke ping wad,  
"Be nuh owh Jesus pe dah suh moo sa,"

4. Me nuh wah Jesus pe e zbah  
Noon goom che shah wa ne me nung;  
Chig ish quana dam ing ne buh we  
We pin de ga keda e waung.  
A ne gook dush pe pah ge yook,  
"Be nuh owh Jesus pe dah suh moo sa."

6 **K**ish pin dush pe zin dun se wag  
Pah man dun se wag akedood,  
Wa weeb tah ge mah jah Jesus,  
O saum wee kah, O saum wee kah!  
O saum wee kah! tah pe pah gim,  
Ah zhe gwah Jesus ke mah jah!

HYMN 12. 8. 7. 4.

*"Guide me, O thou great Jehovah."*

**K**e Ke noo we ne shin suh Keen  
Ka sha Muh ne doo we yun,  
Me nik uh keeng ka uh yah yaun;  
Ne ke che ke te mah giz;  
Uh shum me shin,  
Noon goom kuh ya kah ge nig.

2 Wah bun duh e shin ewh ne be  
Ba mah je e wa muh guk,  
Wee je we shin me nik oo mah  
**K**a buh bah mah de ze yaun:  
Ba mah je' wa,  
Me noo kuh nuh wan'me shin.

3 Uh pe oo de tuh maun Jor dan,  
E koo nun ne sa ge z'win:  
Wa wa ne tuh gwish e me shin,  
E we de Canaan uh keeng:  
Me dush moon zhug  
Che nuh nuh guh moo too naun.

HYMN 13 L.M.

*"Hasten, O sinner to be wise."*

WA weeb ka ke bah de ze yun  
Ne bwah kaun, wa weeb ne bwah kaun  
Ka goo wah bung e nan dun gan  
Koo ne mah ke dah suh nuh giz.

2 Wa weebnundooduh mowh Muhn'doo  
Noon goom suh che shuh wa ne mik;  
Koo ne mah goo shuh ke guh nib  
Che bwah pun gish e mood kee zis

3 O wa weeb, buh yah tah ze yun,  
Naun ze kowh Ke sha-Muh ne doo;  
Koo ne mah ke guh noon da nib  
Che bwah shuh wa ne me goo yun.

4 O wa weeb, buh yah tah ze yun,  
Nun doo dun shuh wan je ga win;  
Koo ne mah che bwah moo kuh ung  
Ke guh noon da koo dug ge too.

5 Ta ba nin ga yun muh mah din  
Owh ma je e zhe wa be zid;  
Noon goom ma gawh be mah de zid  
Wa wa ne che ah nuh me aud.

HYMN 14. SEVENS.

*"Jesus, refuge of my soul."*

JE sus e na ne me shin  
Che nah je ne zhe me naun ;  
Ma gwah mah muh maun gaush kah,  
Kuh ya ke che nees kah dud,  
Uh gwuh nuh oo shin nuh nauzh  
'Goo che ish quah nees kah duk ;  
Buh guh muh oo zhe shin dush  
E we de we kuh bah yaun.

2 Keen a tuh ke nah ze koon,  
Ewh we be mah de ze yaun ;  
Ka goo nuh guh zhe she kan,  
Ka yah be ah soo ne shin :  
Keen-wan je mush kuh wand' maun,  
Keen suh ke dun pa ne min ;  
Uh gwuh nuh oo shin suh dush  
E gewh ke nin gwe gun ug.

3 Ke ke che shuh wan je ga,  
Ke mush kuh we ze kuh ya ;  
Ke ze be gin nin je chaug,  
Pe nee shin peen je nuh.  
Keen wan je be mah de zing  
Mah noo oo dah pe ne shin ;  
O duh nuh keen nin da ing,  
Kah ge nig wee je we shin.



HYMN 15. P. M.

*"From Greenland's icy mountains."*

**K**E wa de noong a yah jig,  
Kuh ya 'gewh wah bun oong,  
E gewh an duh nuh ke jig,  
E we de ke zhah tag,  
Kuh ya puh duh ke zoo waud  
Palm e nuh gah wunzh eeg,  
Ke nun doo me goo nah nig  
Che shuh wa ne mung wah.

2. Ah neen suh a nah buh duk  
Quuh nauj e wun e nig,  
An duh nuh ke waud ah nind  
A nuh me ah sig oog ;  
Ah noo shuh wa ne min dwah,  
Me noo duh nuh ke waud,  
Oo shuh gush ke tah nah wah  
Me tig kuh ya uh sin.

3 Ke nuh wind na bwah kah yung  
Wuh yah sash kah goo yung,  
Ke guh shah gwan' moo min nuh  
Che we doo kah ga yung ?  
O be mah je e wa win !  
Min ze de bah je moon,  
Nuh nauzh e goo kuh ke nuh  
Ke me noo tuh moo waud.

HYMN 16. C. M.

*"Come, let us join our cheerful songs."*

NUH qua uh muh wah dah nig suh  
Ish pe ming a yah jig;  
Kuh ke nuh moo je ge ze wug,  
Koo tah me gwe noo wug.

2 "Ke che uh pe tan dah goo ze  
Owh kah ne boo tah gad,"  
E nuh uh moog; nah saub suh ewh  
Ke dah e nuh ah min.

3 Ke che twah wan dah goo ze win  
Tah me nah owh Je sus;  
Oo dah uh yaun suh ne be wuh  
Shuh wan dah goo ze win.

4 Mah noo ke zhigh oong a yah jig,  
Uh keeng kuh ya ne beeng,  
Mah muh we tah e nan duh moog  
Che min wah je mik wah.

5 Kuh ke nuh ba mah de ze jig  
Min ze wa a yah jig,  
Oo dah me noo wah we nah waun  
Wa ge mah wuh be nid.

HYMN 17. P. M.

*"Hold the Fort for I am coming."*

1. Ho! E nah big Ne kah nis doog  
Wa de ish pe ming!  
Ka gah zhyig wah Jesus pe ezah  
Che mah mah zhe twaud!

Soongegahbowh ninpeezhah mah  
Jesus ekedo  
Howh! Nuhquatowh, ningahneebowh  
Wahdookuhweyun.

2. Ka gat ke ehe mush kuh we ze  
Muh je muh ne doo;  
Nebe wuh e ne ne wug suh  
Ke pun ge she noog.

3. Wah bun dun ke ke wa oon  
Wa de a goo dag!  
Ke gah wee doo kah goo naun suh  
Owh Ba mah jee nung!

4. Kin wazh ahnoo ke me gau zoong  
Tah mah mah zhe twaum:  
Ka go ah ne she tun kan dush,  
Ashkum megau zoon!

HYMN 188. 7.

*"Come, thou Fount of every blessing."*

**K**een mah ge wa yun kuh ke nuh  
Shuh wan duh goo ze win un:  
Oon dah shaun, we doo kun nin da  
Che nuh guh moo tah goo yun.

2 Ke ke noo uh muh we shin suh  
Man wa wag nuh guh moo win:  
Mah noo nin guh wee je we goon  
Ewh ke sah ge e wa win.

3 Wa wa ne ke be we doo kowh  
Ka che mush kuh we ze yun;  
Ke duh pa ne min ka yah be  
Che wah we doo kuh we yun.

4 Je sus ma gwah wuh ne she naur  
Nin ge nun duh wah buh mig;  
Ke oon je gah ne oo mis queem  
Che oon je be mah je id.

5 Ke ke che muz ze nuh uh moon  
Ewh ke shuh wa ne me yun  
Ka yah be shuh wa ne me shin,  
Che sah ge e naun dush nah.

HYMN 19. L. M.

*"Jesus, where'er Thy people meet."*

**J**E sus ke duh niz de be goo  
'Gewh ke duh nish e nah ba mug  
Muh yah wun je e de wah gwan;  
Me e we de me kah goo yun

2 Ke duh be taun mah ke de goo  
Oo da owh ta bus sa ne mood  
Ke pe nig suh mah buh doo wuh,  
Kuh ya goo ke ke wa we nig

3 Suh yah ge e goo yun mah noo  
Oo mah shuh wa ne me she naum;  
Mah noo nin guh moon zhe too min  
Ewa a she oo ne zhe yun.

4 Mah noo nin guh ke kan dah min  
A zhe mush kuh we ze muh guk,  
Kuh ya a zhe oo ne zhe shing,  
Aa nuh me ah win a duh ming.

HYMN 20. P. M.

*"Nearer my God to Thee."*

**N**E nun duh wan dum suh  
Nuh wuj pa sho  
Che pe nah se koo naun  
Ta ba nin ga.

Me. suh na guh moo yaun,  
Pa gish nuh wuj pa sho  
Che uh yah yaun.

2 Kee zis pun ge she mo  
Te be kud suh;  
Ma gwah dushi ne bah yaun  
Pa gish pa sho  
Che pe nah se koo naun  
A nah bun duh maun in  
Ta ba nin ga.

3 Pa gish wah bun duh maun  
Quaun duh wah gun  
An gel ug dush  
E muh nun doo me waud  
Che pe nah se koo naun  
Nuh wuj pa sho.

4 Uhpe koosh koo ze yaun  
Ka yah be suh  
Ke gah me qua ne min  
Ta ba nin ga,  
Nin guh we koo je toon  
Che pe nah se koo naun  
Nuh wuj pa sho.

5 Uhpe maun duh uh ke  
Nuh guh duh maun  
Uh puh na ka yah be  
Nin guh nuh gum,  
Pa gish nuh wuj pa sho  
Che pe nah se koo naun  
Ta ba nin ga.

HYMN 21. L. M.

*"Sun of my Soul, Thou Saviour dear."*

**K**EEN Jesus wah sash kuh we yun,  
Kahween kush ke te be kus' noon  
Keen ma gwah pasho uh yah yun,  
Ke gah me no guh nuh wa nim.

2 A ne guh wish e moo yaun suh,  
Jesus guh nuh wa ne me shin,  
Mah noo nin guh pe zaun e shin  
E mah ke pin doo moo win ing.

3 Wee je we shin kuh ba kee zhiik  
**K**een mah wanje be mahd' ze yaun;  
Wee je we shin wa nah goo shig  
Che koo tun se waun ne boo win.

4 Wah bung uh pe koosh koo ze yaun  
Shahwan' me shin, wee je we shin,  
Wee doo kuh we shin pee nish goo  
Da wah buh me naun Ish pe ming.

HYMN 22. 8. 7. 4.

*"Come, ye sinners, poor and needy."*

**O**ON dah shaug, buh yah tah ze yag,  
Kuh ya qua dug ge ze yag ;  
Je sus wuh wa zhe gah buh we  
Ewh we be mah je e nag ;  
Mush kuh we ze,  
Da bwa tuh mook a goo yag.

2 Oon dah shaug wa wa ne goo shuh  
Ke guh oo dah pe ne goom ;  
Quuh yuk da bwa yan duh moo win,  
Ah nuh wa nin de zoo win,  
Wa ne puzh suh  
Keesh pe nuh duh mah de zook.

3 Be nuh a zhe koo dug gan dung  
Je sus ke te gaun ans ing,  
Noon duh mook kuh ya a ke dood,  
Uh pe sa suh gah quuh oond,  
Che bwah ne bood,  
"Me suh ke zhe che gah dag."

4 Ke che min wuh uh mah zoo wug  
'Gewh Ish pe ming a yah jig,  
Hal le lu jah e ke doo wug  
Na guh moo wah jin uh koo ;



Hal le lu jah  
E nuh un dah kuh ke nuh.

HYMN 23. Sevens.

*"Hark, my soul, it is the Lord!"*

**B**E zin dun, O ninje chaug,  
Uh we yuh kah ke ke doo,  
Je sus suh oo oo ke dig,  
"Ka gate nuh goo ke sah geh?"

2 "Ah nin goo de noong uh koo  
E qua oo wuh na ne maun  
E newh oo ne jah ne sun;  
Ke guh me quan 'min ween neen.

3 "Ne sah ge e wa win suh  
Ah pe je ish-pah muh gud,  
Ah pe je de me muh gud,  
Kuh ya dush ke che soon gun.

4 "We buh ke guh wah bun daun  
Ne pe she gan dah goo z'win,  
Ke guh wee duh bim suh goo;  
Ah neen, ke sah geh e nuh?"

5 Jesus, ne kush kan dum suh  
Quach sah ge e se noo waun;  
Mah noo we doo kuh we shin,  
Nuh wuj che sah ge e naun.

HYMN 24. C. M.

*"How sweet the name of Jesus sounds."*

**K**A gat me noo tah gwud e ne  
Jesus oo de noo z'win.

Me ewh wan je me noo da ad  
Owh duh ya bwa yan dung.

2 Me ewh wan je pe zaun uh yaud  
Owh ma goos kah dan dung;  
Owh a ya koo zid e ne ne  
Oo dun wa be e goon.

3 Nin ke che sah ge toon, Je sus,  
Ewh ke de noo zoo win,  
Me sah ewh nind ah zhe bik oom,  
E mah koo kah zoo yaun.

4 Shah gwe we muh gud ewh nin da,  
Tuh ke sin koo kuh ya;  
Up pe dush ween wah buh me naun,  
Quuh yuk nin guh nuh gum.

5 Ke guh ke che min wah je min  
Nuh nauzh goo ewh uh pe;  
Me nik ka be mah de ze yaun,  
Pa shoo wee je we shin.

HYMN 25. L. M.

*"Jesus shall reign where'er the sun."*

**J**E sus Christ tuh oo ge mah we,  
A ne goo koosh kung owh kee zis;  
Kuh ke nuh uh keeng a yah nid  
Oo gah oo ge mah kun duh waun.

2 Oo guh nuh guh moo tah goon suh  
Uh nooj an wa ne jin uh keeng,  
Ah be noo je yun suh kuh ya  
Ka ke che min wah je me good.

3 Emah oo ge mah kun dah gad  
Me she nud shuh wan je ga win,  
Kuh ke nuh a ya koo ze jig  
Wa wa ne un wa be ah wug.

4 Kah ween ke kan dah gwus se noon  
Ne boo win e mah ween uh yaud;  
Ke che min wah je mah ka gate  
Kah e zhe shuh wa ne me nung.

5 Mah noo goo min ze wa uh keeng  
Tuh ke che twah wa ne mah Christ,  
An ge nug tah nuh guh moo wug,  
A men nh keeng tah e ke doom.

HYMN 26. C. M.

*"O God, our help in ages past."*

- 0 Ke sha Muh ne doo kah be  
Wah we doo kuh we yaung  
Keen suh nin duh pa ne moo min  
Ne gaun e nah be yaung.
- 2 Ah pe je me noo uh yah wug  
Ka nuh wa ne mud jig;  
Ke me noo kuh nuh wan'me min.  
Ke mush kuh we ze mah
- 3 Ke we yuh gus sa ye ah owh  
E ne ne wa zhe ud;  
Uh pe koo "Ke wan" a nud jin,  
Bah be ga nuh e tum.
- 4 "Ke wee je we ne nim" e wuh  
Owh Ta ba ne me nung,  
"Kah ween nin guh nuh guh nah seeg  
'Gewh ta ba ne mug ig."
- 5 Moon zhug nin duh pa ne moo min  
Ke de ke doo win un;  
Oo oo suh tuh e nuh uh moog  
Ne ne jahn'se nah nig:—

6 O Ke sha Muh ne doo! kah be  
Wah we doo kuh we yaung,  
Kuh nuh wa ne me she naum suh  
Uh puh na kah ge nig.

Hymn 27. P. M.

*"There's a land that is fairer than day."*

Wah sah Ish pe ming uh yah mah gud  
Duhnukewin suh qua nauj e wung  
E we de suh owh wa yoo se mind  
ke ge wah wa zhe tuh mah goo naun.  
Pah muh pe, pah muh pe,  
ke gah wah bun de min e we de.

2 Ke gah nuh guh mo min e we de  
Ish pe ming suh nuh guh mo win un,  
Kah ween keguh kush kan dun se min  
Uh puh na ke gah aun wa be min.

3 Ke gahshah gush ke tuh wah naun suh  
Be mah de ze win kah mee ne nung,  
Ke gah me gwach e wa ne mah naun  
Kah ge nig uh puh na kah ge nig.

HYMN 28. C. M.

*"There is a land of pure delight."*

**T**UH goo muh gud duh nuh ke win  
Ka che oo ne zhe shing;  
Moon zhug ke zhig ud e we de,  
Kuh ya moo je ge zim.

- 2 Kah ge nig e we de se gwun,  
Ke che quuh nauj e wun;  
Uh ne shah dush ewh ne boo win  
Ka bish kah ga muh guk.
- 3 Oo zhah wush quah buh me nah gwud  
E we de uh gah ming;  
Oon daus dush ween be me je wun  
Ewh Jor dan e se be.
- 4 Ah nind dush shah gwa ne moo wug  
We ah zhuh wuh oo waud;  
Nuh nin ge be ne goo wug suh;  
A peech sa ge ze waud.
- 5 Pa gizh mah jah muh guk ke bun  
A zhe shah gwan' moo yung,  
Puh guk kah bun duh mun goo bun  
Ca naan gua nauj e wung.

HYMN 29. P. M.

*"Abide with me, fast falls the eventide"*

Pe wee je we shin Ta ba nin ga yun,  
Ah zhe muh ke pun ge she mo kee zis,  
Ne je ke wa yug ne nuh guh ne goog,  
Keen dush ween kagonuhguh neshe kan

2 Ka gahsuh goonindish quah bemah diz  
Kuh ke nuh uh yeen tahbuhnahduhdoon  
Kuhkenuh goo tahishquahnahgwuh doon  
Keen dush Ta ba nin ga, wee jee weeshin.

3 Pagish moonzhugcheweedookahweyun  
Che mah mah zhe ug muj je muh ne doo,  
Na ne zah ne ze yaun wee je we shin,  
E koo nuh muh we shin koo tauj e win.

4 Kahween ningahgoosahse mahgauzhid,  
Kah ween ne me goosh kah je da a se,  
Kah ween nin gah goo tah seen nebo win,  
Ta ba nin ga ma gwah wee je we yun.

5 E na ne meshin che wah bun du maun  
Ke dah zhe da yah tig an ne bo yaun,  
Zhe yig wah ka gah moo ke sa kee zis  
Uhkeeng na guh duh maun weejeweshin.

Hymn 30. L. M.

*"Sweet is the work, my God, my King."*

**M**IN wan dah gwud ne Muh ne doom  
Che ke che nuh guh moo too naun,  
**K**e ke zhab de bah doo duh maun  
**K**e ke che sah ge e wa win.

2 **K**a gate ke che min wan dah gwud  
Ewh ah nuh me a ke zhigh ud ;  
Oh ! nin guh moo je ge da a  
**K**ah' zhe moo je ge zid Da vid

3 Nin guh moo je ge ze tuh wah  
Owh Ta ba nin gad Je-sus Christ.  
Oon je muh maun dah wud e nig  
E newh oo duh noo ke win un.

4 Ka gate suh nin guh me ne goo  
Kah ge ga shuh wan dah gooz' win.  
E we de ke tuh gwish e naun  
Jesus 'nduh zhe oo ge mah wid.

5 Me dush che min wah bun duh maun  
Oo pe she gan dah goo ze win;  
Kuh ya dush nin guh me ne goo  
Kah ge ga moo je ge ze win.



HYMN 31. P. M.

*"O Paradise! O Paradise!"*

**O** Ishpeming! O Ishpeming!  
Meno aun wa be win!  
Ke che shah wa ne mah wug suh  
Wa de da goosh in gig.  
Pagish che pee ne id  
Jesus Ta ba nin gad  
Che da aun wa be id  
E wa de Ish pe ming.

**2** O Ish peming! O Ish pe ming!  
Che da tuh goosh e naun  
Che e zhe id Ta ba nin gad  
Ween o ne jah ne sun.

**3** O Ish pe ming! O Ish pe ming!  
Ne nun duh wah bun daun  
Aun wa be win Ta ba nin gad  
Kah o zhe tuh muh wid.

**4** O Ish pe ming! O Ish pe ming!  
Kah ween kuh ba uh yee  
O maund uh pee uh kee wish ing  
Nin gah kuh pa she sa.

HYMN 32. S. M.

(BAPTISM.)

*"The gentle Saviour calls."*

**K**E sha wah de ze suh  
Owh ba mah je e nung;  
Pooch e newh ah be nooj e yun  
Oo ke che sah ge aun.

2 Oo peen doo moo ning mah  
Oo ge oodah pe naun,  
Ke ke che shuh wan dah goo zim  
Oo ge' zhe kuh noo naun.

3 "Mah noo tah pe nah wug  
Uh yah yaun," e ke doo  
"Nin guh weej duh nuh ke me goog,  
Nim be mah je aug mah."

4 'Nuh ne pe nah nah nig  
Mah mig ab'noo je yug;  
Oh! mah noo Jesus shuh wa nim,  
**K**e te ba ne maug mah.

HYMN 33. C. M.

(CONFIRMATION.)

*"Witness, ye men and angels, now."*

**N**OON duh we she naum ke nuh wah  
A ke we yag, kuh ya

Ish pe ming an duh nüh ke yag  
Wah ween duh mah ga yaung.

2 E mah a nah suh muh bid owh  
Ke Muh ne doo me naun,  
Ke che wah ween duh mah ga win  
Ne we me ge wa min.

3 Ka uh koo be mah de ze yaung,  
Che aung wah me ze yaung,  
Kuh ya che buh né tuh wun gid  
Owh ba mah je e nung.

4 Uh puh na che me gah nun gid  
Owh Muj je Mub ne doo ;  
Moon zhug dush che sheen gan duh maung  
Muj je nan duh moo win.

5 Kah nin duh pa ne moo se min  
A zhe ne bwah kah yaung,  
Ke we doo kah ga win Je sns  
Ke nun doo duh mah goo.

6 Mah noo we doo kuh we she naum,  
Ke kuh ge qua win un  
Che me noo kuh nuh wan duh maung  
An duh soe ke zhigh uk.

(SACRAMENT.)

*"My God, and is thy table spread?"*

**N**E Ke sha Muhn' doom uh ta nuh  
 Ke ke che twah uh doo poo win ?  
 mah noo tah be we se ne wug  
 Kuh ke nuh ke ne jah ne sug

2 Ka gate e nuh pah zhe da be  
 Maun duh ke min e quah je gun ?  
 Mah noo tah be me ne qua wug  
 Kuh ke nuh ke ne jah ne sug.

3 Ke dah ke che twah wan dah min  
 Christ oo shuh kuh moo nin ga win ;  
 Ka gate shuh wan dah goo ze wug  
 E gewh suh wah doo pun ga jig.

4 Oh ! mah noo tuh moosh ke na wug  
 'Gewh ma noo we doo puh mik ig ;  
 Ka gate be mah jeh kuh ke nuh  
 'Gewh noon goem sha kuh moonind jig.

5 Mah noo e na ne me she naum  
 Wa wa ne che ke zhee tah yaung ;  
 Che me noo doo dah goo yaung dush  
 Ewh noon goom ka me ne goo yaung.

HYMN 35 C. M.

(ADVENT)

*"Hark! the glad sound, the Saviour comes."*

**B**E zin dun dah! me noo tah gwüd  
Ewh min wah je moo win;  
Ka guh pe tuh gwish in Je sus,  
Ke ween duh mah goo min.

2 Um ba mbo je ge da a dah,  
Be mah je e wa win  
Ke we kush ke tuh mah goo naun  
Owh ish pe ming wan jeed.

3 Oo we ne sah koo nuh muh waun  
Muj je ish quaun da mun,  
Kuh ke nuh Muj je Muh ne doo  
Kah ke bah quuh wah jin.

4 Um ba nuh guh moo tuh wah dah  
Pe zaun e z' win pah dood;  
Ka gate ke duh nuh me kah goo,  
Keen Je ho vah Je sus.

HYMN 36. 8. 7. 4.

*"Lo! he comes with clouds descending."*

**B**E nuh pe tuh gwish in Je sus,  
Ke nuh wind kah oon je nad;

Ka gäte suh oon zatun e noo wur  
'Newh nwah pe nuh ne goo jin.  
Hal le lu jah!  
Oo ge mah pe tuh gwish in.

2 Oo guh wah bun dah nah wah suh  
Kuh ke nuh ah nish 'nah bag  
Je sus oo koo tah me gooz' win,  
Pooch e gewh kah ne sah jig  
Tuh muh we wug  
Uh pe suh wah buh mah waud.

3 'Gewh ka te mah ge ze pun eeg  
Ma noo ah nuh me ah jig,  
Oo guh nuh quash kuh wah waun suh  
'Newh ba mah je' wa ne jin.  
Hal le lu jah  
Be nuh Je sus tuh gwish in.

4 'Nuh ke guh shuh gush ke tah goog  
Na yaub ba mah de ze jig;  
O! keen ba mah je e wa yun  
Kah ge nig ash puh be yun,  
Oo dah pe nun  
Enewh oo ge mahw' win un.

HYMN 37 8. 7.

*"Come, thou long-expected Jesus."*

**P**E naun ze kuh we she naun Christ,  
Keen ba mah je e wa yun;  
Che oon je sa ge ze se waung  
Ah bwa ya ne me she naum.

2 Keen Je sus wah doo kuh wud wah  
Mah noo ah nuh me ah jig,  
Ke me noo da ash kuh waug suh  
E gewh a pa ne mik ig.

3 Che be mah je ind wah e gewh  
Duh ya bwa ya ne mik ig,  
'Pe na che de ba ne me yaung  
Me kah oon je ne ge yun.

4 Ke ah be noo je ye we yun.  
Ke ge ke che oo ge mowh;  
Peen je nuh suh nin da e naung  
Kah ge nig oo ge mah win.

5 **K**a gatə suh ke ke che ta biz  
**K**e quuh yuk wah de ze yun;  
Gh / mah noo ta be e she naum  
Ish pe ming che e zhah yaung.

(CHRISTMAS.)

*"Hark! the herald angels sing."*

**A**N ge nug nuh guh moo wug  
 Oon je ke ne gid Je sus,  
 Pah dood poo na nin de win  
 Kuh ya pe zaun e ze win.  
 Kuh ke nuh ah nish 'nah bag  
 Oo guh we doo kuh wah waun.  
 Ish p' ming duh zhe an ge nun,  
 Ah zhe mah ke ne ge Christ.  
 An ge nug nuh guh moo wug  
 Oo je ke ne gid Je sus

2 Christ ow'h ish pe ming wan jeed,  
 Christ ow'h kah ge nig a yaud ;  
 We kah suh ke tuh gwish in  
 Ke gaung oo quan wa gee jin ;  
 Ke Ke sha Muh ne doo we,  
 Kuh ya ke e ne ne we;  
 Ke ge wee je we goo naun  
 Christ ked Im man uel' me naun  
 An je nug nuh guh moo wug  
 Oo je ke ne gid Je sus.



*"See another year is gone."*

**M**E suh ke kuh be koo sag  
 Ka ta ke ke noo noo win ;  
 Pe je nug dush ba kah ruk  
 Ke doo de sah bun dah min ;  
 Ewh shuh wa ne me goo yung  
 Ke mah moo yuh wa min nuh ?  
 Ke daun gwah me ze min nuh  
 Buh me tuh wung Nuh ne doo ?

2 Ah nind kah ween ka yah be  
 Ke wah buh mah se nah nig,  
 Ma noo be mahd' ze pun eeg  
 Oo a pee chaug bs boo noong :  
 Ah nind oo mah a yah jig  
 Koo ne mah tuh ne boo wug,  
 Che bwah ish quah sa muh guk  
 Maun duh ke ke noo noo win.

3 Ah bwa ya ne me she naum,  
 Kuh ya shuh wan' me she naum,  
 Me dush che min wan duh maung  
 Uh pe suh nun doo me yaung :  
 Suh yah ge ik ig oo mah  
 Pah pe nan duh moog uh koo ;  
 Uh pe dush ween ne boo waud  
 Nuh wuj tuh min wan duh moog.

HYMN 40. L. M.

(EPIPHANY.)

*"O God, who by Thy star did'st lead."*

O Ke sha Muh ne doo, uh pe  
Nah gid ke gwis oo mah-uh keeng:  
Ke ge ke kan duh moo naug oowh  
Wah bun oong an duh nuh ke jig.

2 Ne bwah kahw' ne ne wug e gewh  
Kah wahb' mah jig ke duh nuug oon.  
Nwah pe nuh nah waud dush oo noowh  
Oo ge wah buh mah waun Christ un.

3 Ke ke noo uh muh muh we she naum.  
Wuh ween ga che ke kan duh maung-  
Wa ne zhe shing pah duh we yaung.  
Che de bah doo duh maung dush nah

4 Ta ba nin ga mah muh kauj suh  
Me qua ne mud koo e ne ne;  
Mah muh kah duh kum mig ka gate-  
Moon zhug kuh nuh wa ne me yaung.

5 Me gwach ke de na ne me goo  
Me nik a zhe sah ge e yaung:  
Mah noo we doo kuh we she naun.  
Che me noo buh me tah goo yun.

HYMN 41. C. M.

(GOOD FRIDAY)

*"Alas! and did my Saviour bleed."*

**N**in ge ne boo taug nuh ka gate  
Owh kah be mah je id?  
Nin ge puh ge de nuh maug nuh  
Oo be mah de ze win.

2 **K**e oon je muh mah pe na nuh  
'Newh nim bah tah z'win un?  
**K**e che mah muh kah duh kum mig  
**K**e be shuh wa ne mid!

3 **Q**uuh yuk suh kee zis ke kah zood  
**K**e nah goo ze sig dush;  
Uh pe Je sus Christ kah ne bood  
E ne ne wun oon je.

4 **M**a quan duh maun in Je sus Christ  
**K**e suh suh gah quuh oond,  
Nin dah mah moo yuh wuh gan dum,  
Kuh ya dush nin dahmowh.

5 **K**e che ne be wuh suh, Je sus  
**K**e muh ze nuh uh moon:  
Be nuh nin duh wah soo ne yowh  
**K**e puh ge de nuh moon.

HYMN 42. E. M.

(GOOD FRIDAY)

*"When I survey the wondrous cross."*

**K**A nuh wah bun duh maun in koo  
Christ oo dah zhe da yah tig oom.  
Ne ke che ke te mah ga nim,  
Kuh ya nin duh bus sa nin diz.

2 Mah noo a tuh oo ne boo win  
Ninguh muh mee quan daun uh koo :  
E newh ka che sah ge too yaun  
Nim puh ge de nuh muh wah Christ.

3 Be nuh suh a zhe mis que wid  
Oo nin jeeng kuh ya oo ze daung :  
We kah nuh uh we yuh oo-oo  
E zhe ke che sah ge e wa ?

4 Ke ka che sah ge e yun Christ  
E zhe sin ewh che me ne naun,  
Kuh ke nuh ga goo a yah maun,  
Nin je chang kuh ya dush ne yowh.

HYMN 43. SEVENS.

(EASTER.)

*"Jesus Christ is risen to-day."*

**K**E ah be je bah Jesus,  
Um ba wuh we zhan dun dah:  
Kah ke che we suh ge nad  
Che oon je keesh pe nuhn' nung.

Hal le lu iaj.

2 Nuh guh moo tuh wah dah Christ,  
Ish pe ming na muh duh bid,  
Che bag' mig oong kah uh sind,  
Ke nuh wind kah oon je nad

Hal le lu jah.

3 Oo koo dug ge ze win un,  
Ke be mah je e goo min,  
E we de oo ge mah we  
'Nduh zhe nuh guh moo tuh wind.

Hal le lu jah.

HYMN 44. C. M.

(WHIT-SUNDAY)

*"Come, Holy Spirit, heavenly Dove."*

**O**ON dah shaun, Ke che Oo je chaug  
We doo kuh we she naum,  
Uh toon ewh sah ge e wa win  
E mah nin da e naung.

**2** 'Nuh a zhe koo dug ge ze yaung  
Oo maun ge zhe uh keeng;  
Nin ke che ba je we min suh  
Ish pe ming we'zhah yaung.

**3** Ah nuh we we keo je too yaung  
Che mush kuh wan dah maung,  
Nin duh nuh me ah win e naun  
Noon da koo tuh ke sin.

**4** Noon se naun, me nuh uh puh na  
Ka'zhe ba je we yaung?  
Ke che pun ge sah ge'goo yun,  
Sah ge e yaung dush keen?

**5**  
Oon dah shaun, Ke che Oo je chaug  
We doo kuh we she naum,  
Moosh ke nuh doon nin da e naung  
Ewh sah ge e wa win.

HYMN 45. L. M.

(TRINITY SUNDAY.)

*"Father of heav'n whose love profound."*

**K**A che oo yoo se me goo yun  
Keen kah me ge wa yun Ke gwis,  
Ke doo je jeen gwuh ne tah goo,  
Oh/ ah bwa ya ne me she naum.

2 Oh/ keen wa gwis se me goo yun,  
Kah ke che ke zhee kah ga yun,  
Ke doo je jeen gwuh ne tah goo,  
Mah noo be mah je e she naum.

3 Ka che oo je chaug oo we yun,  
Keen wan je aunj be mah de zing,  
Ke doo je jeen gwuh ne tah goo,  
Quuh yuk wah de ze e she naum.

4 Je ho vah puh ya zhe goo yun,  
Kuh ya dush nas wah de ze yun,  
Ke doo je jeen gwuh ne tah goo,  
Mah noo suh ge ga e she naum.

HYMN 46. C. M.

*"Why do we mourn departing friends?"*

**A**Hneesh ween nah inuh we mung wah  
E gewh na boo she jig?  
Oo nun doo me goo waun suh ween  
E newh Je sus Christ un.

2 Kah nuh ween kuh ya ke nuh wind  
Ke de zhah se min. owh?  
Ke dah ke che min wan dah min  
We buh che wah buh mung.

3 Ka goo suh kush kan dah se dah  
Puh ge da ne mung wah;  
Che ba guh mig oong kuh ya ween.  
Je sus ke shing e shin.

4 Ah neen de ka ne bah wah pun  
Sha wan dah goo ze jig?  
Me suh e mah ke shing e shing  
Ka che oo ge mah wid.

5 E mah ke oon je puh ze gwe  
Ish pe ming wah e zhaud;  
Kuh ya ke nuh wind suh bah mah  
Ke guh oo nish kah min.

6 Mah noo suh dush tah mud wa wa  
Ke che poo dah je gun,  
Koosh koo zig sha wan dah gooz' yag.  
Ish pe ming e zhah yook.



HYMN 47. C. M.

(FUNERAL.)

*"When blooming youth is snatch'd away."*

**K**AH ish quah be mahd' ze wah jin  
'Gewh wash ke ne ge jig,  
Ke ke che kush kan dah min koo,  
Ke we suh gan dah min.

2 Ma gwah ke te mah gan duh mung,  
Pa gizh mush kuh we sing  
Ke da' naung maun duh da bwa win,  
KUH YA NEEN NIN GUH NIB.

3 Na sah keo sing che ba guh mig  
Kuh nuh wah bun duh mook,  
Ke nun duh wa ne me goo min  
Ewh che ke zhee tah yung.

4 An duh che yung nuh e tun dah  
Oo oo kuh ge qua win;  
Ka goo kuh gaun ze tun ze dah  
Che ah nuh me ah yung.

5 Mah noo e zhe ne zhe moo dah  
E mah uh yaud Je sus;  
Me dush che muh mauzh e teo yaung  
E ewh che ba guh mig.

HYMN 48 8. 7. 4.

*"Lord ! dismiss us with thy blessing."*

**T**A ba nin ga / pe ne se nun  
Ewh ke shuh wan je ga win ;  
Uh pe suh ke sah guh uh maung,  
Uh ne wee je we she naum :  
Mee zhe she naum  
Ewh ke mush kuh we ze win.

2 Me gwach ke de na ne me goo  
Noon duh maung kuh ge qua win ;  
Mah noo nin guh uh yin de min  
A zhe nun duh wan' me yaung,  
Mah noo moon zhug  
Nin guh aung wah me ze min.

3 Uh pe dush puh gum me uh yaug  
Uh ke che nuh guh duh maung,  
Uh pe an je nug ish pe ming  
Ezhe we zhe yun gid wah,  
Mah noo moon zhug  
Nin guh oo ge mah we min.